

Na osnovu člana 16. stav (1) i člana 17. stav (2) Zakona o Vladi Hercegovsko - neretvanskog kantona („Službene novine HNK“, broj: 3/07, 5/09), i na osnovu člana 28. stav (6) Zakona o koncesijama Hercegovsko - neretvanskog kantona („Službene novine HNK“, broj: 1/13), Vlada je na 70. sjednici, održanoj dana 23.10.2014. godine donijela

**ODLUKU O DODJELI KONCESIJE
ZA EKSPLOATACIJU MINERALNE SIROVINE KREČNJAKA KAO TEHNIČKO –
GRAĐEVINSKOG KAMENA NA LOKALITETU RADIMLJA - ZASJECI
KOD HODOVA, OPĆINA STOLAC**

Član 1.

Vlada Hercegovsko - neretvanskog kantona kao Koncesor, dodjeljuje koncesiju za eksploataciju mineralne sirovine krečnjaka kao tehničko – građevinskog kamena na lokalitetu Radimlja - Zasjeći kod Hodova, Općina Stolac, Koncesionaru privrednom društvu „JOP INVEST“ d.o.o. Stolac.

Član 2.

Eksploatacija mineralne sirovine krečnjaka kao tehničko – građevinskog kamena će se obavljati na području Općine Stolac, na lokalitetu Radimlja - Zasjeći kod Hodova, unutar koordinata:

TAČKA	Y	X
A	6 494 565.7	4 775 061.9
B	6 494 684.1	4 775 128.6
C	6 494 843.3	4 775 067.2
D	6 494 817.6	4 774 983.6
E	6 494 667.8	4 774 994.9

površine 2,50 ha, na dijelu k.č. broj 801/1 i dijelu k.č. broj 806/1, K.O. Hodovo.

Član 3.

- (1) Koncesija se dodjeljuje na period od 30 (trideset) godina.
- (2) Početkom korištenja koncesije smatrat će se dan pravosnažnosti rješenja kojim se odobrava izvođenje radova prema rudarskom projektu.
- (3) Koncesija prestaje istekom trideset godina od dana početka korištenja koncesije.

Član 4.

- (1) Prava i obaveze Koncesora i Koncesionara precizirat će se ugovorom o koncesiji koji će, uz prethodnu saglasnost Vlade i pribavljeno mišljenje Kantonalnog javnog pravobranilaštva, u ime Koncesora s Koncesionarom potpisati ministar privrede HNK.
- (2) Krajnji rok za potpisivanje ugovora iz stava (1) ovog člana je 30 dana od dana konačnosti ove Odluke.
- (3) Eventualne izmjene i dopune ugovora o koncesiji, te raskid ugovora o koncesiji ukoliko za to nastanu zakonski uslovi, vrši se na isti način i postupak kao kod zaključenja ugovora.

Član 5.

- (1) Jednokratna koncesiona naknada iznosi 198.433,20 KM (slovima: stotinudevedesetosamhiljadačetiristotinetridesettri konvertibilne marke i 20/100).
- (2) Tekuća (godišnja) koncesiona naknada iznosi 0,60 KM/m³ (slovima: šezdeset pfeninga).
- (3) Ugovorom o koncesiji propisat će se način i rokovi plaćanja koncesionih naknada iz stava (1) i (2) ovog člana, i to u skladu sa odredbama Odluke o načinu utvrđivanja, načinu i rokovima plaćanja koncesione naknade za eksploataciju mineralnih sirovina na području Hercegovsko - neretvanskog kantona („Službene novine HNK“, broj: 2/14).
- (4) Sredstvo obezbjeđenja za izvršavanje obaveza plaćanja koncesionih naknada iz stava (1) i (2) ovog člana, je безусловna bankarska garancija za svaku vrstu naknade posebno, i to u vrijednosti iznosa ovih naknada, a ugovorom o koncesiji pobježe će se propisati ova obaveza

Koncesionara, kao i rokovi za dostavu ovih garancija, te posljedice neizvršavanja obaveze plaćanja ovih naknada.

Član 6.

Koncesiona djelatnost obavljat će se na način i pod uslovima propisanim Zakonom o rudarstvu Hercegovačko - neretvanskog kantona ("Službene novine HNK", broj: 7/11, 9/12), Zakonom o koncesijama Hercegovačko - neretvanskog kantona („Službene novine HNK“, broj: 1/13) i ostalim propisima koji regulišu oblast eksploatacije mineralnih sirovina. Zakonski propisi i standardi koji regulišu pitanja zaštite okoline, prostornog planiranja, vodoprivrede i zaštite na radu, su također obavezujući za koncesionara.

Član 7.

Ugovorom o koncesiji obavezno će se propisati i slijedeće obaveze:

- a) da se Koncesionar obavezuje podnijeti zahtjev za izdavanje dozvole za eksploataciju nadležnom organu u roku od 30 dana od dana zaključenja ugovora o koncesiji;
- b) da se Koncesionar obavezuje prije početka korištenja koncesije, na svoj trošak i na svoj rizik, ishodovati sve dozvole/saglasnosti koje su propisane posebnim zakonima koji regulišu oblast zaštite okoline, vodoprivrede i prostornog planiranja, ukoliko postoje zakonske obaveze i uslovi za to ishodovanje;
- c) da se Koncesionar obavezuje da će pri izvođenju rudarskih radova preduzeti mjere potrebne za zaštitu na radu, za zaštitu života i zdravlja građana kao i obezbjeđenja imovine, te da će prema glavnom rudarskom projektu izvršiti sanaciju zemljišta i rekultivaciju devastiranih površina nastalih usljed rudarskih radova, kao i provesti mjere obezbjeđenja kako bi se trajno isključile opasnosti po život i zdravlje ljudi i imovine i mogući uzročnici zagađenja okoline, odnosno štete na objektima i okolini;
- d) da će se ugovor o koncesiji raskinuti pod uslovima predviđenim Zakonom o koncesijama, kao i ako koncesionar tri godine za redom iskopa na godišnjem nivou manje od 70% količine sirovine utvrđene planom eksploatacije za tu godinu;
- e) da je za nadzor nad ostvarenjem koncesije nadležno Ministarstvo privrede, ili lice koje Ministar privrede ovlasti, kao i Ministarstvo finansija za nadzor nad ispunjenjem finansijskih obaveza;
- f) da se dodijeljena koncesija može prenijeti na drugo pravno lice u skladu sa Zakonom o koncesijama.

Član 8.

Nezadovoljni učesnik javnog poziva za dodjelu koncesije može, u roku od 15 dana od dana objavljivanja ove Odluke, Vladi Hercegovačko - neretvanskog kantona podnijeti zahtjev za preispitivanje Odluke u skladu sa članom 29. Zakona o koncesijama Hercegovačko - neretvanskog kantona.

Član 9.

Ova Odluka objavit će se u „Službenim novinama Hercegovačko - neretvanskog kantona“, a stupa na snagu danom njene konačnosti.

Bosna i Hercegovina
Federacija Bosne i Hercegovine
HERCEGOVAČKO-NERETVANSKI KANTON
V L A D A

Broj: 01-1-02-1935/14
Mostar, 23.10.2014.godine

P R E D S J E D N I K
Denis Lasić